

# ՊԵՏՈՒԹՅԱՆ ԿԱՐԻՔՆԵՐԻ ՀԱՄԱՐ ԱՊՐԱՆՔԻ ՄԱՏԱԿԱՐԱՐՄԱՆ

## ՊԱՅՄԱՆԱԳԻՐ N ՀՀԿՄՍՆՄԱԱՊՁԲ-25/60

ք. Երևան

«24» 06 2025թ.

Հայաստանի Հանրապետության կրթության, գիտության, մշակույթի և սպորտի նախարարությունը, ի դեմս գլխավոր քարտուղար՝ Հասմիկ Հակոբյանի, որը գործում է նախաքարության կանոնադրության հիման վրա, այսուհետ «Գնորդ», մի կողմից, և՛ «Մարի հրատարակչություն» ՍՊԸ-ն, ի դեմս տնօրեն Մարիամ Մելքոնյանի, որը գործում է ընկերության կանոնադրության հիման վրա, այսուհետ «Վաճառող» մյուս կողմից, կնքեցին սույն պայմանագիրը հետևյալի մասին:

### 1. ՊԱՅՄԱՆԱԳՐԻ ԱՌԱՐԿԱՆ

1.1. Վաճառողը պարտավորվում է սույն պայմանագրով (այսուհետ՝ պայմանագիր) սահմանված կարգով, ժամկետներում և հասցեով Գնորդին մատակարարել պայմանագրի N 1 հավելվածով՝ Տեխնիկական բնութագիր-գնման-ժամանակացուցով նախատեսված ապրանքը (այսուհետ՝ ապրանք), իսկ Գնորդը պարտավորվում է ընդունել ապրանքը և վճարել դրա համար:

### 2. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ

#### 2.1 Գնորդն իրավունք ունի՝

2.1.1 Ապրանքը պայմանագրով սահմանված ժամկետում Վաճառողի կողմից չմատակարարելու դեպքում հրաժարվել ապրանքից, եթե մատակարարման ժամկետները խախտվել են **մեկ ամսից ավելի**:

2.1.2 Եթե հանձնվել է անպատշաճ որակի՝ պայմանագրով նախատեսված տեխնիկական բնութագրին չհամապատասխանող ապրանք՝

ա) պահանջել Հատուցելու ապրանքի անպատշաճ որակի լինելու պատճառով իր կատարած ծախսերը.

բ) չընդունել ապրանքն՝ իր հայեցողությամբ սահմանելով անպատշաճ որակի ապրանքը պայմանագրին համապատասխանող որակի ապրանքով անհատույց փոխարինման ողջամիտ ժամկետ և պահանջել Վաճառողից վճարելու պայմանագրի 6.3 կետով նախատեսված տուգանքը.

գ) հրաժարվել պայմանագիրը կատարելուց և պահանջել վերադարձնելու ապրանքի համար վճարված գումարը:

2.1.3 Եթե հանձնվել է պայմանագրով որոշվածից պակաս քանակի ապրանք, ապա՝

ա) պահանջել լրացնելու ապրանքի պակաս հանձնված քանակը,

բ) հրաժարվել հանձնված ապրանքից և դրա համար վճարելուց, իսկ եթե ապրանքի համար վճարվել է, ապա պահանջել վերադարձնելու վճարված գումարը և վճարելու պայմանագրի 6.2 կետով նախատեսված տույժը:

2.1.4 Եթե հանձնվել է տեսակի պայմանի խախտմամբ ապրանք, իր ընտրությամբ՝

ա) ընդունել տեսակի վերաբերյալ պայմանին համապատասխանող ապրանքը և հրաժարվել մնացած ապրանքներից.

բ) հրաժարվել հանձնված բոլոր ապրանքներից և պահանջել վճարելու պայմանագրի 6.2 կետով նախատեսված տույժը.

գ) պահանջել տեսակի վերաբերյալ պայմանին չհամապատասխանող ապրանքի անհատույց փոխարինում պայմանագրով նախատեսված տեսակին համապատասխան ապրանքով:

2.1.5 Վաճառողի կողմից մատակարարման ժամկետների խախտման դեպքում իր հայեցողությամբ սահմանել ապրանքի մատակարարման նոր ժամկետ և պահանջել Վաճառողից վճարելու պայմանագրի 6.2 կետով նախատեսված տույժը:

2.1.6 Վաճառողից պահանջել Հատուցելու վնասները, եթե Գնորդը Վաճառողի կողմից պարտավորությունը խախտելու հետևանքով պայմանագրի լուծումից հետո ողջամիտ ժամկետում այլ անձից ավելի բարձր, սակայն ողջամիտ գնով գնել է ապրանք՝ պայմանագրով նախատեսվածի փոխարեն՝ պայմանագրով սահմանված և դրա փոխարեն կնքված գործարքի գների միջև տարբերության չափով, ինչպես նաև ապրանքն այլ անձից ձեռք բերելու համար իր կատարած բոլոր անհրաժեշտ և ողջամիտ ծախսերը:

2.1.7 Միակողմանի լուծել պայմանագիրը (լրիվ կամ մասնակի), եթե Վաճառողն էականորեն խախտել է պայմանագիրը.

2.1.7.1 Վաճառողի կողմից պայմանագիրը խախտելն էական է համարվում, եթե՝

ա) մատակարարվել է անպատշաճ որակի ապրանք որը չի կարող փոխարինվել Գնորդի համար ընդունելի ժամկետում.

բ) ապրանքի մատակարարման ժամկետները խախտվել են **մեկ ամսից ավելի**,

2.1.8 Չննել ապրանքը և հայտնաբերված թերությունների մասին անհապաղ տեղեկացնել Վաճառողին:

## **2.2 Գնորդը պարտավոր է՝**

2.2.1 Կատարել պայմանագրին համապատասխան մատակարարված ապրանքի ընդունումն ապահովող բոլոր անհրաժեշտ գործողությունները:

2.2.2 Վաճառողի հանձնած ապրանքից պայմանագրին համապատասխան հրաժարվելու դեպքում, ապահովել այդ ապրանքի պատասխանատու պահպանությունը և դրա մասին անհապաղ տեղեկացնել Վաճառողին:

2.2.3 Պայմանագրով նախատեսված կարգով և ժամկետներում մատակարարված ապրանքն ընդունելու դեպքում Վաճառողին վճարել վերջինիս վճարման ենթակա գումարները, իսկ վճարման ժամկետի խախտման դեպքում՝ նաև պայմանագրի 6.5 կետով նախատեսված տույժը:

2.2.4 Ապրանքի քանակի, տեսականու, որակի մասին պայմանագրի պայմանները խախտելու մասին Վաճառողին ծանուցել թերությունը հայտնաբերելուց հետո անմիջապես կամ այն բանից հետո՝ ողջամիտ ժամկետում, երբ պայմանագրի համապատասխան պայմանի խախտումը պետք է հայտնաբերված լիներ՝ ելնելով ապրանքի բնույթից և նշանակությունից:

2.2.5 Պայմանագրի 2.3.3 կետի համաձայն պայմանագրի լուծումից հետո Վաճառողին Հատուցել վերջինիս պատճառված և սահմանված կարգով հիմնավորված վնասները:

## **2.3 Վաճառողն իրավունք ունի՝**

2.3.1 Գնորդից պահանջել ընդունելու պայմանագրով նախատեսված կարգով, ծավալներով, ժամկետներում և հասցեով մատակարարված ապրանքը:

2.3.2 Գնորդից պահանջել վճարելու պայմանագրով նախատեսված կարգով, ծավալներով, ժամկետներում և հասցեով մատակարարված և Գնորդի կողմից ընդունված ապրանքի համար իրեն վճարման ենթակա գումարները:

2.3.3 Միակողմանի լուծել պայմանագիրը (լրիվ կամ մասնակի), եթե Գնորդն էականորեն խախտել է պայմանագիրը:

2.3.3.1 Գնորդի կողմից պայմանագիրը խախտելն էական է համարվում, եթե բազմիցս խախտվել են ապրանքի համար վճարելու ժամկետները:

2.3.4 Գնորդի համաձայնությամբ վաղաժամկետ մատակարարել ապրանքը:

## **2.4 Վաճառողը պարտավոր է՝**

2.4.1 Գնորդին հանձնել ապրանքը՝ պայմանագրով նախատեսված կարգով, ծավալներով, ժամկետներում և հասցեով:

2.4.2 Ապահովել ապրանքի մատակարարումը պայմանագրի 2.1.2 կետի բ) ենթակետին և (կամ) 2.1.5 կետին համապատասխան՝ Գնորդի կողմից սահմանված ժամկետներում:

2.4.3 Գնորդին հանձնել երրորդ անձանց իրավունքներից ազատ ապրանք:

2.4.5 Գնորդին հանձնել պայմանագրով նախատեսված որակի և քանակի ապրանք՝ պայմանագրով նախատեսված ժամկետներում և հասցեով, իսկ Գնորդի պահանջով տրամադրել ապրանքի որակը հավաստող՝ ՀՀ օրենսդրությամբ սահմանված փաստաթղթեր:

2.4.6 Թերի մատակարարում թույլ տալու դեպքում, պայմանագրով նախատեսված կարգով, լրացնել թերի մատակարարվածը:

2.4.7 Հետ տանել Գնորդի կողմից պայմանագրի 2.2.2 կետին համապատասխան՝ պատասխանատու պահպանության ընդունված ապրանքը կամ ողջամիտ ժամկետում տնօրինել այն, ինչպես նաև Հատուցել ապրանքը պատասխանատու պահպանության ընդունելու, այն իրացնելու կամ Վաճառողին վերադարձնելու հետ կապված անհրաժեշտ ծախսերը:

2.4.8 Պայմանագրով նախատեսված դեպքերում վճարել պայմանագրի 6.2 և 6.3 կետերով նախատեսված տույժը և տուգանքը:

2.4.9 Գնորդին հանձնել ապրանքի պատկանելիքները և համապատասխան փաստաթղթերը:

2.4.10 Պայմանագրի 2.1.7 կետի համաձայն պայմանագրի լուծումից հետո Գնորդին Հատուցել վերջինիս պատճառված և սահմանված կարգով հիմնավորված վնասները:

2.4.11 Որակավորման և պայմանագրի ապահովում ներկայացրած անձը պարտավոր է ապահովումների գործողության ընթացքում լուծարման կամ սնանկացման գործընթաց սկսելու դեպքում դրա մասին նախապես գրավոր տեղեկացնել Գնորդին:

## **3. ՊԱՅՄԱՆԱԳՐԻ ԳԻՆԸ ԵՎ ՎՃԱՐՄԱՆ ԿԱՐԳԸ**

3.1 Պայմանագրի գինը կազմում է 4830000 (չորս միլիոն ութ հարյուր երեսուն հազար) ՀՀ դրամ, որից 4-6-րդ չափաբաժինների համար ԱԱՀ-ն կազմում է 541667 (հինգ հարյուր քառասունմեկ հազար վեց հարյուր վաթսույնոթ) ՀՀ դրամ: Պայմանագրի գինը ներառում է պայմանագրի կատարումն ապահովելու նպատակով Վաճառողի կողմից կատարվելիք բոլոր վճարները (ծախսերը), այդ թվում՝ հարկերը, տուրքերը, փոխադրման, ապահովագրման ծախսերը, պարգևավճարները և ակնկալվող շահույթը:

Ապրանքի մատակարարման գինը կայուն է և Վաճառողն իրավունք չունի պահանջել ավելացնելու, իսկ Գնորդը նվազեցնելու այդ գինը:

3.2 Գնորդն իրեն մատակարարված ապրանքի դիմաց վճարում է ՀՀ դրամով անկանխիկ՝ դրամական միջոցները Վաճառողի հաշվարկային հաշվին փոխանցելու միջոցով: Դրամական միջոցների փոխանցումը կատարվում է հանձնման-ընդունման արձանագրության հիման վրա՝ պայմանագրի վճարման ժամանակացույցով (հավելված N 2) նախատեսված ամիսներին, բայց ոչ ուշ, քան մինչև տվյալ տարվա դեկտեմբերի 30-ը:

Ընդ որում վճարում կատարելու նպատակով հանձնման-ընդունման արձանագրությունն ստորագրվելու օրվանից հետո 3 աշխատանքային օրվա ընթացքում գնորդը վճարման\* հանձնարարագիրը և հանձնման-ընդունման արձանագրության պատճենը մուտքագրում է լիազորված մարմնի գանձապետական համակարգ, իսկ սահմանված կարգի համաձայն ներկայացված փաստաթղթերի հիման վրա լիազորված մարմինը տվյալ վճարումը կատարում է հանձնման-ընդունման արձանագրությունը գանձապետական համակարգ մուտքագրված լինելու դեպքում՝ սույն պայմանագրի վճարման ժամանակացույցով սահմանված ժամկետներում, հինգ աշխատանքային օրվա ընթացքում:

#### **4. ԱՊՐԱՆՔԻ ՈՐԱԿԸ ԵՎ ԵՐԱՇԽԻՔԸ**

4.1 Վաճառողը երաշխավորում է մատակարարված ապրանքի որակի համապատասխանությունը պետական ստանդարտի պահանջներին:

#### **5. ԱՊՐԱՆՔԻ ՀԱՆՁՆՈՒՄԸ ԵՎ ԸՆԴՈՒՆՈՒՄԸ**

5.1 Մատակարարված ապրանքն ընդունվում է Գնորդի և Վաճառողի միջև հանձնման-ընդունման արձանագրության ստորագրմամբ: Ապրանքը Գնորդին հանձնելու փաստը ֆիքսվում է Գնորդի և Վաճառողի միջև երկկողմ հաստատված փաստաթղթով՝ նշելով փաստաթղթի կազմման ամսաթիվը:

Մինչև պայմանագրով ապրանքի մատակարարման համար նախատեսված օրը ներառյալ Վաճառողը Գնորդին է տրամադրում իր կողմից ստորագրված՝ ապրանքը Գնորդին հանձնելու փաստը ֆիքսող փաստաթուղթը և հանձնման-ընդունման արձանագրության 2 օրինակ:

5.2 Հանձնման-ընդունման արձանագրությունը ստորագրվում է, եթե մատակարարված ապրանքը համապատասխանում է պայմանագրի պայմաններին: Հակառակ դեպքում պայմանագրի կամ դրա մի մասի կատարման արդյունքները չեն ընդունվում, հանձնման-ընդունման արձանագրությունը չի ստորագրվում և Գնորդը՝

ա) հարցի կարգավորման համար ձեռնարկում է նման իրավիճակի համար պայմանագրով նախատեսված միջոցները.

բ) Վաճառողի նկատմամբ կիրառում է պայմանագրով նախատեսված պատասխանատվության միջոցներ:

5.3 Գնորդը հանձնման-ընդունման արձանագրությունը ստանալու օրվան հաջորդող աշխատանքային օրվանից հաշված **6 աշխատանքային օրվա** ընթացքում Վաճառողին է ներկայացնում իր կողմից ստորագրված հանձնման-ընդունման արձանագրության մեկ օրինակը կամ ապրանքը չընդունելու պատճառաբանված մերժումը:

5.4 Եթե պայմանագրի 5.3 կետով սահմանված ժամկետում Գնորդը չի ընդունում մատակարարված ապրանքը կամ չի մերժում դրա ընդունումը, ապա մատակարարված ապրանքը համարվում է ընդունված և պայմանագրի 5.3 կետով սահմանված վերջնաժամկետին հաջորդող աշխատանքային օրը Գնորդը Վաճառողին է տրամադրում իր կողմից ստորագրված հանձնման-ընդունման արձանագրությունը:

#### **6. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ**

6.1 Վաճառողը պատասխանատվություն է կրում հանձնած ապրանքի որակի և պայմանագրով նախատեսված մատակարարման ժամկետների պահպանման համար:

6.2 Վաճառողի կողմից պայմանագրով նախատեսված ապրանքի մատակարարման ժամկետների խախտման դեպքում Վաճառողից յուրաքանչյուր ուշացված աշխատանքային օրվա համար գանձվում է տույժ՝ մատակարարման ենթակա, սակայն չմատակարարված ապրանքի գնի 0,05 (զրո ամբողջ հինգ հարյուրերորդական) տոկոսի չափով:

6.3 Պայմանագրի 1.1 կետում նշված տեխնիկական բնութագրին չհամապատասխանող ապրանք մատակարարելու յուրաքանչյուր դեպքում Վաճառողից գանձվում է տուգանք՝ պայմանագրի գնի 0,5 (զրո ամբողջ հինգ տասնորդական) տոկոսի չափով: Ընդ որում տուգանքը հաշվարկվում է նաև ապրանքի մատակարարումը սույն պայմանագրով սահմանված ժամկետում կատարելու, սակայն պատվիրատուի կողմից այդ չընդունվելու դեպքում:

6.4 Պայմանագրի 6.2 և 6.3 կետերով նախատեսված տույժը և տուգանքը հաշվարկվում և հաշվանցվում են Վաճառողին վճարման ենթակա գումարների հետ:

6.5 Գնորդի կողմից պայմանագրի 3.3 կետով նախատեսված ժամկետի խախտման համար Գնորդի նկատմամբ յուրաքանչյուր ուշացված աշխատանքային օրվա համար հաշվարկվում է տույժ՝ վճարման ենթակա, սակայն չվճարված գումարի 0,05 (զրո ամբողջ հինգ հարյուրերորդական) տոկոսի չափով:

6.6 Պայմանագրով չնախատեսված դեպքերում կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվություն են կրում ՀՀ օրենսդրությամբ սահմանված կարգով:

6.7 Տույժերի և (կամ) տուգանքի վճարումը Կողմերին չի ազատում իրենց պայմանագրային պարտավորությունները լրիվ կատարելուց:

## **7. ԱՆՀԱՂԹԱՀԱՐԵԼԻ ՈՒԺԻ ԱԶԴԵՑՈՒԹՅՈՒՆԸ (ՖՈՐՍ-ՄԱԺՈՐ)\***

Պայմանագրով պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է սույն պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, հրդեհը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում սույն պայմանագրով պարտավորությունների կատարումը: Եթե արտակարգ ուժի ազդեցությունը շարունակվում է 3 (երեք) ամսից ավելի, ապա կողմերից յուրաքանչյուրն իրավունք ունի լուծել պայմանագիրը՝ այդ մասին նախապես տեղյակ պահելով մյուս կողմին:

## **8. ԱՅԼ ՊԱՅՄԱՆՆԵՐ**

8.1 Պայմանագիրն ուժի մեջ է մտնում Կողմերի ստորագրման պահից և գործում է մինչև կողմերի՝ պայմանագրով ստանձնած պարտավորությունների ողջ ծավալով կատարումը:

Պայմանագրով նախատեսված կողմերի իրավունքների և պարտականությունների կատարման պայման է հանդիսանում պայմանագիրը ՀՀ ֆինանսների նախարարության կողմից հաշվառված լինելու հանգամանքը:

8.2 Պայմանագրից ծագած՝ կողմի վճարային պարտավորությունը չի կարող դադարել այլ պայմանագրից ծագած՝ հակընդդեմ պարտավորության հաշվանցով, առանց կողմերի գրավոր և կնիքով հաստատված համաձայնության: Պայմանագրից ծագած պահանջի իրավունքը չի կարող փոխանցվել այլ անձի, առանց պարտապան կողմի գրավոր համաձայնության:

8.3 Այն դեպքում, երբ օրենքով նախատեսված կարգով օրենքի պահանջների կատարման նկատմամբ հսկողության կամ վերահսկողության կամ բողոքների քննության արդյունքում արձանագրվում է, որ պայմանագիրը կնքելու նատակով կազմակերպված գնման գործընթացում, մինչև պայմանագրի կնքումը, Վաճառողը ներկայացրել է կեղծ փաստաթղթեր (տեղեկություններ և տվյալներ), կամ վերջինիս ընտրված մասնակից ճանաչելու մասին որոշումը չի համապատասխանում Հայաստանի Հանրապետության օրենսդրությանը, ապա այդ հիմքերն ի հայտ գալուց հետո Գնորդը միակողմանիորեն լուծում է պայմանագիրը, եթե արձանագրված խախտումները մինչև պայմանագրի կնքումը հայտնի լինելու դեպքում գնումների մասին Հայաստանի Հանրապետության օրենսդրության համաձայն հիմք կհանդիսանային պայմանագիրը չկնքելու համար: Ընդ որում, Գնորդը չի կրում պայմանագրի միակողմանի լուծման հետևանքով Վաճառողի համար առաջացող վնասների կամ բաց թողնված օգուտի ռիսկը, իսկ վերջինս պարտավոր է Հայաստանի Հանրապետության օրենքով սահմանված կարգով փոխհատուցել իր մեղքով Գնորդի կրած վնասներն այն ծավալով, որի մասով պայմանագիրը լուծվել է:

8.4 Պայմանագրի հետ կապված վեճերը ենթակա են քննության Հայաստանի Հանրապետության դատարաններում:

8.5 Պայմանագրում փոփոխություններ և լրացումներ կարող են կատարվել միայն Կողմերի փոխադարձ համաձայնությամբ՝ համաձայնագիր կնքելու միջոցով, որը կհանդիսանա պայմանագրի անբաժանելի մասը:

Արգելվում է պայմանագրում, իսկ եթե պայմանագրի գինը գործոնային է, ապա նաև այդ պայմանագրին կից հաջորդող յուրաքանչյուր տարիներին կնքված համաձայնագրում կատարել այնպիսի փոփոխություններ, որոնք հանգեցնում են գնվող ապրանքի ծավալների կամ ձեռք բերվող ապրանքի միավորի գնի կամ պայմանագրի գնի արհեստական փոփոխման:

Պայմանագրի կողմերից անկախ գործոնների ազդեցությամբ պայմանագրի փոփոխման յուրաքանչյուր դեպք սահմանում է Հայաստանի Հանրապետության կառավարությունը:

8.6 Ապրանքի մատակարարման ժամկետը կարող է երկարաձգվել մինչև պայմանագրով այդ ժամկետը լրանալը՝ Վաճառողի առաջարկության առկայության դեպքում, պայմանով, որ Գնորդի մոտ չի վերացել ապրանքի օգտագործման պահանջը, իսկ Վաճառողի առաջարկությունը ներկայացվել է ոչ ուշ, քան պայմանագրով ի սկզբանե մատակարարման համար սահմանված ժամկետը լրանալուց առնվազն 7 օրացուցային օր առաջ: Ընդ որում սույն կետով սահմանված դեպքում ապրանքի մատակարարման ժամկետը

կարող է երկարաձգվել մեկ անգամ մինչև 30 օրացուցային օրով, բայց ոչ ավել քան պայմանագրով սահմանված ժամկետն է:

8.7 Պայմանագրի պատշաճ կատարման պայմաններում կողմերի (Վաճառող կամ Գնորդ) օգուտները (խնայողություններ) կամ կրած վնասները տվյալ կողմի օգուտը կամ կրած վնասն են:

Պայմանագրի կողմերի՝ երրորդ անձանց նկատմամբ պարտավորությունները՝ ներառյալ պայմանագրի կատարման շրջանակում Վաճառողի կնքած այլ գործարքները և դրանցից բխող պարտավորությունները, դուրս են պայմանագրի կարգավորման դաշտից և չեն կարող ազդել պայմանագրի կատարման արդյունքն ընդունելու վրա: Այդ գործարքների և դրանցից բխող պարտավորությունների կատարման հետ կապված հարաբերությունները կարգավորվում են այդ գործարքների հետ կապված հարաբերությունները կարգավորող նորմերով, և դրանց համար պատասխանատու է Վաճառողը:

8.8 Պայմանագիրը չի կարող փոփոխվել կողմերի պարտավորությունների մասնակի չկատարման հետևանքով կամ ամբողջությամբ լուծվել կողմերի փոխադարձ համաձայնությամբ՝ բացառությամբ՝ Հայաստանի Հանրապետության օրենսդրությամբ սահմանված կարգով ապրանքի մատակարարման համար անհրաժեշտ ֆինանսական Հատկացումների նվազեցման դեպքերի: Ընդ որում, պայմանագրի կողմերի՝ պարտավորությունների մասնակի չկատարման կամ ամբողջությամբ լուծման կողմերի փոխադարձ համաձայնությունն անհրաժեշտ է ձեռք բերել նախքան Հայաստանի Հանրապետության օրենսդրությամբ սահմանված կարգով ապրանքի մատակարարման համար անհրաժեշտ ֆինանսական Հատկացումների նվազեցումը:

8.9 Վաճառողի կողմից ստանձնած պարտավորությունները չկատարելու կամ ոչ պատշաճ կատարելու հիմքով պայմանագիրն ամբողջությամբ կամ մասնակի միակողմանի լուծելու մասին ծանուցումը Գնորդը հրապարակում է [www.procurement.am](http://www.procurement.am) հասցեով գործող ինտերնետային կայքի «Պայմանագրերը միակողմանի լուծելու մասին ծանուցումներ» բաժնում՝ նշելով հրապարակման ամսաթիվը: Վաճառողը, պայմանագիրը միակողմանի լուծելու վերաբերյալ, համարվում է պատշաճ ծանուցված՝ ծանուցումը, սույն կետով սահմանված հրապարակվելուն հաջորդող օրվանից: Պայմանագիրն ամբողջությամբ կամ մասնակի միակողմանի լուծելու մասին ծանուցումը տեղեկագրում հրապարակվելու օրը Գնորդը այն ուղարկվում է նաև Վաճառողի էլեկտրոնային փոստին:

8.10 Կատարողն իրավունք ունի պայմանագրի կնքումից հետո Հայաստանի Հանրապետության քաղաքացիական օրենսգրքի 48-րդ գլխով սահմանված դեպքերում և կարգով կատարել գնման պայմանագրից ծագող դրամական պահանջի զիջում՝ պահանջի զիջման դիմաց ֆինանսավորման (ֆակտորինգի) պայմանագրի (այսուհետ՝ ֆակտորինգի պայմանագիր) հիման վրա: Ֆակտորինգի պայմանագիրը պետք է սահմանի, որ ֆինանսական գործակալը համաձայն է, որ պայմանագրով նախատեսված հիմքերի առկայության դեպքում Պատվիրատուն վճարումներն իրականացնելիս ապահովի Կատարողի նկատմամբ տույժերի ու տուգանքների հաշվարկումը և հաշվանցումը վճարվելիք գումարների հետ՝ անկախ պահանջի զիջված լինելու հանգամանքից: Ընդ որում, ֆակտորինգի պայմանագրի հիման վրա պահանջի զիջման մասին գրավոր ծանուցումը ստանալու դեպքում Պատվիրատուն պայմանագրով սահմանված վճարումը կատարում է ֆինանսական գործակալին, եթե ծանուցումը ստացվել է Պատվիրատուի կողմից վճարման հանձնարարագիրը և արձանագրության պատճենը լիազորված մարմնի գանձապետական համակարգ մուտքագրելու օրվան նախորդող օրը:

8.11 Պայմանագրի կապակցությամբ ծագած վեճերը լուծվում են բանակցությունների միջոցով: Համաձայնություն ձեռք չբերելու դեպքում վեճերը լուծվում են դատական կարգով:

8.12 Պայմանագիրը կազմված է 6 էջից, կնքվում է երկու օրինակից, որոնք ունեն հավասարազոր իրավաբանական ուժ, յուրաքանչյուր կողմին տրվում է մեկական օրինակ: Պայմանագրի N 1 և N 2 հավելվածները, համարվում են պայմանագրի անբաժանելի մասը:

8.13 Պայմանագրի հետ կապված հարաբերությունների նկատմամբ կիրառվում է Հայաստանի Հանրապետության իրավունքը:

## 9. ԿՈՂՄԵՐԻ ՀԱՍՑԵՆԵՐԸ, ԲԱՆԿԱՅԻՆ ՎԱՎԵՐԱՊԱՅՄԱՆՆԵՐԸ ԵՎ ՍՏՈՐԱԳՐՈՒԹՅՈՒՆՆԵՐԸ

### Գ Ն Ո Ր Դ

ՀՀ կրթության, գիտության, մշակույթի և սպորտի նախարարություն  
Հասցեն՝ ք. Երևան, Վազգեն Սարգսյան 3  
Կառավարական տուն 2,  
ՀՀ ֆինանսների նախարարության գործառնական վարչություն  
Հ/Հ 900011033447,  
ՀՎՀՀ 02698732

### Վ Ա Ճ Ա Ռ Ղ

«Մարի հրատարակչություն» ՍՊԸ  
Հասցեն՝ ՀՀ ք. Երևան, Ղափանցյան 20/11,  
Հեռ.՝ (+374) +374 10 20-50-67, 94 20-70-20  
Էլ. փոստ՝ [mariammelkonyan@mail.ru](mailto:mariammelkonyan@mail.ru)  
«ԱՅԴԻ ԲԱՆԿ» ՓԲԸ,  
Հ/Հ 11807018681200,  
ՀՎՀՀ 00882175

Գլխավոր քարտուղար՝

Տնօրեն՝

ՀԱՅԿԱՍՏԱՆԻ ՀԱՆՐԱՊԵՏՈՒԹՅԱՆ  
ՏՐԱՆՍՊՈՐՏԱԿԱՆ ԻՆՖՐԱՍՏՐԱԿՏՐԱ ԿՈՄՊԵՆԻՅԱ

ՀԱՅԿԱՍՏԱՆԻ ՀԱՆՐԱՊԵՏՈՒԹՅԱՆ  
ՏՐԱՆՍՊՈՐՏԱԿԱՆ ԻՆՖՐԱՍՏՐԱԿՏՐԱ ԿՈՄՊԵՆԻՅԱ

Կ.Տ.  
61

Подписано цифровой  
подписью: НАКОВЯН  
НАСМІК 5610800161  
DN: c=AM, sn=.....,  
givenName=.....,  
serialNumber=5610800161,  
o=ՀՀ, ou=ՀՀ, cn=НАКОВЯН  
НАСМІК 5610800161  
Дата: 2025.06.24 18:32:02  
+04'00'

Մ. Մելքոնյան

Ստորագրող  
ՄԱՐԻԱՄ ՄԵԼՔՈՆՅԱՆ  
7802820103

- Մ. Մելքոնյան

Կ  
2025-06-24 17:08:57 GMT+04:00  
Հավաստված է ՀՀԵՆԳ-ի կողմից



**ՏԵԽՆԻԿԱԿԱՆ ԲՆՈՒԹԱԳԻՐ – ԳՆՄԱՆ ԺԱՄԱՆԱԿԱՑՈՒՅՑ\***

Չափաթնի համարը	գնումների պլանով նախատեսված միջանցիկ ծածկագիրը՝ ըստ ԳՄԱ դասակարգման (CPV)	Ապրանքի						
		Անվանումը	Տեխնիկական բնութագիրը	Չափման միավորը	Քանակը	Միավորի գինը, ՀՀ դրամ	Ընդհանուր գինը, ՀՀ դրամ	Մատակարարման ժամկետը
1	22111100/9	Ուսուցողական գրքեր	<p>Գնման առարկա է հանդիսանում.</p> <p><b>«Նկարագարդ այբուբեն»,</b> հեղ.՝ Ս. Քոչինյան</p> <p><b>Բովանդակային չափանիշներ՝</b></p> <p>Գիրքը նախատեսված է նախադպրոցական և դպրոցական տարիքի երեխաների, դասվարների ու ծնողների համար, որը հայերեն տառերի ուսուցման պատկերավոր նկարագարդ ձեռնարկ է: Գրքի օգնությամբ երեխաներն արագ կսովորեն հայերեն տառերը, զանազան բառեր և Հայաստանի վանքերն ու եկեղեցիները: Գրքում ներառված է նաև «Հայրենագիտական այբբենարան» բաժինը:</p> <p><b>Տեխնիկական չափանիշները</b></p> <p>Չափսը՝ 17 x 24</p> <p>Տեքստի թուղթը՝ 120 գր., օֆսեթ</p> <p>Տեքստի գույները՝ 4 + 4</p> <p>Էջերի քանակը՝ 48</p> <p>Կազմի թուղթը՝ կոշի, գունազարդ</p> <p>Կազմի գույները՝ 4+0</p> <p>Կազմարարություն՝ թելակար, ջերմաստիճան</p> <p>Ծավալը՝ 3 փպ. մամուլ</p>	հատ	400	2500	1000000	Մինչև 2025թ. օգոստոսի 15-ը

2	22111100/10	Ուսուցողական գրքեր	<p>Գնման առարկա է հանդիսանում.  <b>«Հանելուկներ և շուտասելուկներ»</b> հեղ.՝ Ս. Դավթյան  <b>Բովանդակային չափանիշներ՝</b>  Գունագարդ գրքույկը նախատեսված է նախադպրոցական և դպրոցական տարիքի երեխաների համար: Այն ներառում է հանելուկներ կենդանիների, բնության երևույթների, բանջարեղենների, մրգերի և այն ամենի մասին, ինչը շրջապատում է փոքրիկներին:  <b>Տեխնիկական չափանիշները</b>  Չափսը՝ 15 x 20,5  Տեքստի թուղթը՝ 100 գր., օֆսեթ  Տեքստի գույները՝ 4 + 4  Էջերի քանակը՝ 40  Կազմի թուղթը՝ կավճապար 250 գր, լամինացված  Կազմի գույները՝ 4+0  Կազմարարություն՝ ջերմաստիճան  Ծավալը՝ 3 փպ. մամուլ</p>	հատ	300	600	180000	Մինչև 2025թ. օգոստոսի 15-ը
3	22111100/11	Ուսուցողական գրքեր	<p>Գնման առարկա է հանդիսանում.  <b>«Ուրախ տոները մանկապարտեզում»</b> հեղ.՝ Կ.Ղազարյան,  <b>Ա.Աբաջյան, Է.Սամվելյան</b>  <b>Բովանդակային չափանիշներ՝</b>  Ուսումնական ձեռնարկը նախատեսված է մանկապարտեզում երաժշտության դաստիարակների, մեթոդիստների համար: Թեմաներից յուրաքանչյուրում ներառված երգերն ունեն իրենց կցված նոտաներ, պարերը՝ պարային շարժումների նկարագրություն, իսկ պարերի մի մասը հնարավոր է գտնել գրքում տեղ գտած QR կոդերի միջոցով:  <b>Տեխնիկական չափանիշները</b>  Չափսը՝ 17 x 24  Տեքստի թուղթը՝ 80 գր., օֆսեթ  Տեքստի գույները՝ 1 + 1  Էջերի քանակը՝ 128  Կազմի թուղթը՝ սովորական 230 գր, լամինացված  Կազմի գույները՝ 4+0  Կազմարարություն՝ թելակար, ջերմաստիճան  Ծավալը՝ 8 փպ. մամուլ</p>	հատ	100	4000	400000	Մինչև 2025թ. օգոստոսի 15-ը

4	22111100/13	Ուսուցողական գրքեր	<p>Գնման առարկա է հանդիսանում.</p> <p><b>«Հայոց պատմության էջեր ամեն հայի համար»</b> հեղ.՝ Մ. Մելքոնյան</p> <p><b>Բովանդակային չափանիշներ՝</b></p> <p>Գրքում տեղ են գտել հայոց պատմության կարևորագույն և հիշարժան դրվագներ, որոնք պետք է իմանա ամեն հայ: Գիրքը շատ հարմար է կիրառել նաև սփյուռքում գործող կրթօջախներում՝ այդ թվում մեկօրյա:</p> <p><b>Տեխնիկական չափանիշները</b></p> <p>Չափսը՝ 20,5 x 28</p> <p>Տեքստի թուղթը՝ 115 գր., կավճապար, անփայլ</p> <p>Տեքստի գույները՝ 4 + 4</p> <p>Էջերի քանակը՝ 72</p> <p>Կազմի թուղթը՝ կավճապար 300 գր</p> <p>Կազմի գույները՝ 4+0</p> <p>Կազմարարություն՝ փելակար, ջերմաստիճան</p> <p>Ծավալը՝ 5 փպ. մամուլ</p>	հատ	400	4000	1600000	Մինչև 2025թ. օգոստոսի 15-ը
5	22111100/14	Ուսուցողական գրքեր	<p>Գնման առարկա է հանդիսանում.</p> <p><b>«Հայոց մայրաքաղաքներ»</b> հեղ.՝ Լ. Մելքոնյան</p> <p><b>Բովանդակային չափանիշներ՝</b></p> <p>Այս գիրքը հայաստանաբնակ և աշխարհասփյուռ հայությանը կպատմի հայոց աշխարհի 12 մայրաքաղաքների մասին: Ընթերցողը կարող է մայրենի լեզվով ծանոթանալ հայ ժողովրդի պատմությանը՝ տեղեկություններ ստանալով Հայաստանի մայրաքաղաքների և հայ թագավորական տոհմերի կողմից ծավալած գործունեության մասին:</p> <p><b>Տեխնիկական չափանիշները</b></p> <p>Չափսը՝ 16,5 x 23</p> <p>Տեքստի թուղթը՝ 120 գր., օֆսեթ</p> <p>Տեքստի գույները՝ 4 + 4</p> <p>Էջերի քանակը՝ 56</p> <p>Կազմի թուղթը՝ սրվարաթուղթ 250 գր , լամինացված</p> <p>Կազմի գույները՝ 4+0</p> <p>Կազմարարություն՝ թելակար, ջերմաստիճան</p> <p>Ծավալը՝ 4 փպ. մամուլ</p>	հատ	200	3000	600000	Մինչև 2025թ. օգոստոսի 15-ը

6	39191110/1	Ուսումնադիդակտիկ ցուցապատառներ	<p>Գնման առարկա է հանդիսանում.  <b>«Պաստառների հավաքածու. Իմ Հայաստան»</b> պաստառներ  <b>հեղ.՝ Լ. Մելքոնյան</b>  <b>Բովանդակային չափանիշներ՝</b>          Փաթեթում կա 8 պաստառ: Հետաքրքիր և բովանդակալից այս պաստառներն ընդհանուր պատկերացում կտան Հայաստանի Հանրապետության պետական խորհրդանիշերի, վարչատարածքային բաժանումների մասին: Կծանորթացնեն Հայաստանի բուսական և կենդանական յուրահատուկ աշխարհին, քաղաքամայր Երևանին: Պաստառներից 2-ը նվիրված են հայոց գրերի գյուտին և Հայաստանի հոգևոր մայրաքաղաք Էջմիածնին:  <b>Տեխնիկական չափանիշները</b>          Յուրաքանչյուրի չափսը՝ 35 x 50 սմ          Տեքստի թուղթը՝ 250 գր սրվարաթուղթ          Տեքստի գույները՝ 4 + 4</p>	հատ	300	3500	1050000	Մինչև 2025թ. օգոստոսի 15-ը
---	------------	--------------------------------	---	-----	-----	------	---------	----------------------------

**\* 1-ից 6-րդ չափաբաժինների համար.**

1. Ապրանքները ի պահ են հանձնվում «Մարի հրապարակչություն» ՍՊԸ-ի մոտ՝ մինչև Գնորդի կողմից համապատասխան պահման վայրի հասցեի տրամադրումը: Պահման վայրի հասցեն տրամադրելուց հետո ապրանքների տեղափոխումը և բեռնաթափումը իրականացվում է Վաճառողի կողմից:
2. Ապրանքները պետք է լինեն նոր և չօգտագործված:
3. Բոլոր միավոր ապրանքները 1-ին կամ 2-րդ էջում պետք է ունենան «Վաճառքի ենթակա չէ» նշումը: Նշումը կարող է կատարվել «Մարի հրապարակչություն» ՍՊԸ-ի համար ցանկացած ընդունելի փաթեթակով (լինի տպագրած, կնքված, ստանձված և այլն):

**ՀԱԿՈԲՅԱՆ** Подписано цифровой  
 подписью: **ՀԱԿՈԲՅԱՆ**  
**ՀԱՏՄԻԿ** HASMIK 5610800161  
 DN: c=AM, o=Գ.Բ.Գ.,  
 givenName=.....,  
**56108001** serialNumber=5bdc6722  
 03a3, cn=ՀԱԿՈԲՅԱՆ  
**Հակոբյան**  
 HASMIK 5610800161  
 (տրամադրված)  
**61** 4.5  
 Дата: 2025.06.24 18:32:27  
 +04'00'

**Վ Ա Ճ Ա Ռ Ղ**  
 Ստորագրող  
 ՄԱՐԻԱՄ ՄԵԼԵՔՆՅԱՆ  
 7802820103  
**-- Ս. Մելքոնյան**  
 1)  
 2025-06-24 12:08:56 GMT+04:00  
 Հաստատված է Է՛լ.Ն՝Գ-ի կողմից  
 MID



6	39191110/1	Ուսումնադիդակտիկ ցուցապաստառներ	-	-	-	-	-	1050000	1050000	1050000	1050000	1050000	1050000	1050000	105000
---	------------	------------------------------------	---	---	---	---	---	---------	---------	---------	---------	---------	---------	---------	--------

\* Վճարման ենթակա գումարները ներկայացվում են ածողական կարգով:

\*\* հրավերում գումարները նշվում են տոկոսով, իսկ պայմանագիրը կնքելիս տոկոսի փոխարեն նշվում է կոնկրետ գումարի չափ:

**ՀԱՅԿԻՍՏԱՆԻ ՀԱՆՐԱՊԵՏՈՒԹՅԱՆ**  
**ՄԱՐԻԱՄ ՄԵԼՔՈՆՅԱՆ**  
**ՀԱՆՐԱՊԵՏՈՒԹՅԱՆ**  
**ՍՏՈՐԱԳՐՈՂ**  
**56108001**  
**61**

Подпись цифровой  
подписью: HAKOBYAN  
HASMIK 5610800161  
DN: c=AM, cn=.....,  
givenName=.....,  
serialNumber=5bdc6722  
03a3, cn=HAKOBYAN  
HASMIK 5610800161  
Data: 2025.06.24 18:32:47  
+04'00'

**Վ Ա Ճ Ա Ռ Ղ**  
Ստորագրող  
**ՄԱՐԻԱՄ ՄԵԼՔՈՆՅԱՆ**  
7802820103  
**Դ. Մելքոնյան**

2025-06-24 17:10:53 GMT+04:00  
Հավաստված է ԷԿԵՆԳ-ի կողմից

